



# Fréttabréf Naustaskóla

5. tölublað, 4. árgangur, 3. maí 2011

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

## Valgreinar í 8-9. bekk

Nemendur í verðandi 8.-9. bekkjum hafa nú fengið afhent valblöð fyrir næsta vetur. Við biðjum forráðamenn þeirra um að hafa hönd í bagga með valið en valblöðum þarf að skila í síðasta lagi 6. maí nk.

## Íþróttakennsla í maí

Frá og með mánudeginum 9. maí ætlum við að nýta vorveðrið til hins ýrasta og hefja útikennslu í öllum íþróttatímum. Það er því mikilvægt að nemendur mæti alltaf vel skóaðir og vel búnir til útiverunnar..

## Útivistartíminn

Frá og með 1. maí lengdist útivistartími skv. lögum, nú mega börn 12 ára og yngri vera úti til kl. 22 en 13-16 ára mega vera úti til kl. 24. **Rétt er þó að taka fram að foreldrar ráða að sjálfsögðu útivistartíma sinna barna, og sjálfsagt að muna að flest börn og unglingar þurfa að minnsta kosti 9-10 tíma svefn!!**

## Foreldrakönnun

Við minnum á að foreldrar hafa nú fengið tölvupóst þar sem þeir eru beðnir um að svara nokkrum spurningum varðandi skólstarfið. Mikilvægt er að sem flestir svari því að könnun af þessu tagi gefur mikilvægar upplýsingar sem nýttar eru við ákvarðanir um þróun skólans. Svára þarf könnuninni fyrir 9. maí nk.

## Kæra skólasamfélag

Þá er komið að endasprenntinum hjá okkur þetta árið og ótrúlegt til þess að hugsa að Naustaskóli sé strax að verða búinn að starfa í tvö ár! Skólstarfið í maí verður með hefðbundnu sniði fyrstu vikunnar en upp úr 20. maí verðum við væntanlega öll komin í sumarskap og þá fer starfið að brotna upp í þemaverkefni, útivist og íþróttir, hópefli nýrra námshópa o.fl. Skipulag síðustu daganna verður nánar kynnt í næsta fréttabréfi sem kemur út um miðjan maí. Nú er ljóst að það verður byggingafyrirtækið SS-Byggir sem mun annast byggingu seinni áfanga skólahússins og má búast við að framkvæmdir fari á fullt á allra næstu vikum. Verður spennandi að sjá skólahúsið taka smátt og smátt á sig endanlega mynd en sem fyrr er stefnt að því að við fáum unglingsstígs- og verkgreinaálmú afhenta haustið 2012 og aðra hluta hússins næstu tvö árin þar á eftir. Við lifum sannarlega á spennandi tímum og jú, það er ekki um að villast, lífið er dásamlegt! Bestu kveðjur úr skólanum! Ágúst skólastjóri

## Starfsmannamál - ráðningar

Umsóknarfrestur um stöður kennara fyrir næsta vetur rann út 3. maí. Um er að ræða 3-4 stöður, eftir því hvernig hlutirnir púslast saman, og liggja fyrir 36 umsóknir. Nú liggja fyrir að vinna úr umsóknum og er stefnt að því að ráðningar liggja fyrir um miðjan maí. Þá verður einnig ljóst hvernig kennsluteymi næsta vetrar verða skipuð. Við skipan kennarateyma er höfð til hliðsjónar sú þumalputtaregla að a.m.k. einn kennari fylgi hverjum árgangi inn í nýjan námshóp. Að öðru leyti verður ekki um miklar breytingar að ræða á starfsmannahópnum, nema að Soffía Helga stuðningsfulltrúi, sem verið hefur í fæðingarorlofi, mun ekki snúa aftur til starfa. Við kveðjum hana með söknuði og þökkum henni vel unnin störf. Skipan kennsluteyma næsta vetrar verður kynnt í næsta fréttabréfi.

## Vorskóli - skólabyrjun í haust

Þann 19. apríl nk. kl. 17:00 bjóðum við verðandi nemendum í 1. bekk og foreldrum þeirra á stutta kynningu í skólanum. Þar munu nemendur hitta verðandi kennara sína og foreldrar fá kynningu á skólanum hjá stjórnendum. Foreldrum annarra nýnema við skólann er einnig velkomið að nýta tækifærið og kíkja á skólann og kynna sér starfið örlítið. Skólstarf í haust mun svo hefjast með skólasetningu þann 22. ágúst. Drög að skóladagatali næsta árs eru nú aðgengileg á heimasíðu skólans (Skólinn / Skóladagatal 11-12) en dagatalið er þó birt með fyrirvara þar sem það bíður staðfestingar skólanefndar.

## Skólanefnd óskar eftir tilnefningum til viðurkenninga

Samkvæmt skólastefnu Akureyrarbæjar skal árlega, veita þeim einstaklingum eða stofnunum sem skarað hafa fram úr í skólstarfi viðurkenningar. Markmiðið er að vekja sérstaka athygli á því sem vel er gert og hvetja þá sem fyrir valinu verða til þess að halda áfram því góða starfi sem þeir eru að vinna og jafnvel gera enn betur. Viðurkenning er einnig staðfesting á að viðkomandi skóli/kennari/nemandi er fyrirmynd annarra á því sviði sem viðurkenning nær til. Á heimasíðu skólans er að finna auglýsingu með nánari upplýsingum varðandi þetta. Hægt er að tilnefna nemendur, kennara og sérstök verkefni sem unnið hefur verið að. Hver sem er getur skilað inn tilnefningum en þeim þarf að skila í síðasta lagi 9. maí.



Frá ljóðaupplestri í 4.-5. bekk, sjá myndasíðu á heimasíðu skólans.....



## Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

# Maí—júní 2011

| Sun | Mán   | Þri   | Mið  | Fim  | Fös   | Lau |
|-----|---|---|--|--|---|-----|
|     | 2<br>Soðinn fiskur m/<br>kartöflum, salati og<br>tómatafeiti<br><br><b>4. bekkur fer í<br/>skólabúðir til 4/5</b> | 3<br>Grænmetisbuff, köld<br>sósa, kartöflur og<br>salat<br><br><b>Félagsmiðstöð opið hús<br/>7.-8. b. 19:30-21:30</b>     | 4<br>Plökkfiskur, rúg-<br>brauð, kartöflur                           | 5<br>Spaghetti Bolognese,<br>salat<br><br><b>6./7. b. samveruatriði</b>                        | 6<br>Rjómalöguð, blóm-<br>kálssúpa, brauð og<br>álegg                                       | 7   |
| 8   | 9<br>Soðinn fiskur m/<br>kartöflum og soðnu<br>grænmeti<br><br><b>Útiþróttir í öllum<br/>þróttatímum!</b>         | 10<br>Stroganoff,<br>kartöflustappa, salat<br><br><b>Félagsmiðstöð opið hús<br/>8. b. 19:30-21:30</b>                     | 11<br>Steiktur fiskur,<br>kartöflur, salat og<br>sósa                | 12<br>Bollur í súrsætri,<br>kartöflur og salat<br><br><b>8.b. samveruatriði</b>                | 13<br>Makkarónugrautur,<br>brauð og álegg   | 14  |
| 15  | 16<br>Nætursaltaður þor-<br>skur, kartöflur, rófur<br>og feiti  | 17<br>Mexikönsk hakksúpa,<br>nýbakað brauð, pasta-<br>salat<br><br><b>Félagsmiðstöð lokahólf<br/>7.-8. b. 17:00-19:30</b> | 18<br>Tómatbakaður þor-<br>skur, hrísgrjón og<br>salat               | 19<br>Pasta Carbonara, salat<br><br><b>1.b. samveruatriði</b><br><br><b>Vorskóli árg. 2005</b> | 20<br>Föstudagssteikin með<br>tilheyrandi :)  | 21  |
| 22  | 23<br>Soðinn fiskur,<br>kartöflur, gúrkur og<br>tómatar   | 24<br>Hakkað buff í brúnni,<br>kartöflur og salat<br><br><b>Vorþema hefst</b>   | 25<br>Fiskibollur, kartöflur,<br>salat og sósa<br><br><b>Vorþema</b> | 26<br>Pottréttur, hrísgrjón<br>og salat<br><br><b>Vorþema</b>                                  | 27<br>Hrísgrjónagrautur,<br>brauð og álegg<br><br><b>VORHÁTÍÐ<br/>(nánar auglýst síðar)</b> | 28  |
| 29  | 30<br>Soðinn fiskur m/<br>kartöflum, salat og<br>tómatafeiti<br><br><b>Unicef-dagurinn</b>                        | 31<br>Eitthvað rosagott með<br>tilheyrandi meðlæti :)<br><br><b>Matsdagur / útivist</b>                                   | 1. júní.<br><br><b>Hópeflisdagur nýrra<br/>náms hópa</b>             | 2. júní<br>Uppstigningardagur<br>Frí   | 3. júní<br><b>SKÓLASLIT</b><br>kl. 13:00  |     |

### Munið:

Vorhátíð skólans í samstarfi við foreldrafélag og hverfisnefnd verður föstudaginn 27. maí -  
Nánar auglýst síðar

Skólaslit verða föstudaginn 3. júní kl. 13:00